

*Verùm vis varia est naturaque seminis hujus ,
 Quam meditando dein sapientior extudit usus.
 Adjuvat infirmos stomachos , dapibusque coquendis
 Præstat opem certam ; hinc locupletis prandia
 mensæ*

*Claudit Caffæum , revocatque in corpora vires.
 Quid quodd & infestos capitis ventrisque dolores
 Edomat , humores cerebri , nubesque propellit ?
 At , quod præcipuum est , humano in corpore
 motu*

*Cordis vitalem conservat & auget , & inde
 Circuitu sanguis meat uberiore per artus.
 Quid memorandum æquè Baccheia dona tulerunt ?
 Sunt tamen , haud ego diffiteor sua præmia vino ,
 Nec tua , Bacche pater , cundis , scio , munera
 sordent :*

*At queis nos recreas , his , tute fateberis ipse ,
 Sunt bona mixta malis : Latum per seffa vigorem
 Corpora si quando revocas , frigusque senile
 Si refoves , curas si pellis , sæpè minaces
 In rixas agis , & corpus languore pedesque
 Debilitas , sensus hebetas , turpemque podagram
 Ingeris , & nimio siccasque coquisque calore
 Membra : quod & certum est , crudis humoribus
 implet*

*Sæpè caput , facis & tardas ad munia mentes.
 Hæc secum arrabicum non fert incommoda do-
 num ;*

*Hoc impunè viri , matres , juvenesque senesque
 Latantur , prodest mirabilis omnibus humor.
 &c. &c.*

*O felix Arabum tractus qui semina fundis
 Tam pretiosa ! plagis hæc perge immittere nostris.
 O utinam Patriæ tales natura dedisset
 Ferre fabas ! sed non omnis fert omnia tellus.*